

اداره مخصوصه

درسعادتنده باب عالی جاده سنده

محل اداره :

مستطابق

۱۳۲۶

دین ، فلسفه ، ادبیات ، حقوق و علوم دین باحث هفته لقا رساله در

مؤسسه : ابوالعلا زین العابدین - ح . اشرف ادیب

سنه لکی	۶۰	درسه دنده
التی آیانی	۴۰	ولایاتده
	۴۰	مملک اجنبیه ده
	۴۰	

تاریخ تاسیسی :
۱۱ محوز ۳۲۴

درسعادتنده نسخه بی ۵۰ پاره در

قیرلهدن مقوا بورو ایله کوندریلیرسه سنوی
۲۰ غروش فضله آلنیر

درسعادتنده پوسته ایله کوندریلیرسه ولایات بدلی اخذ اولنور.

ایکنجی جلد

۱۶ ربیع الاخر ۳۲۷ پنجشنبه ۲۳ نیشان ۳۲۵

عدد : ۳۵

ایمانکم من قیاتکم المؤمنات) قیات مؤمناتدن، یعنی غیرک جاریه سنی نکاح ایله آلق جائز اولور. سیاه اولسون، بیاض اولسون، علی الاطلاق مساعده ویرلمش. بویچون؟ هپ قولایلق اولسون، عفتی محافظه ایچون.

فقط جاریه دینیلن قالدین کرچکدن مملوکه، حربده اسیر آلمش اولمالی. اناسی و باباسی طرفدن ساتلمش، یاخود غصب و غارتله الله ایدلمش اولورسه فی الحقیقه حره اوله جغندن کندی رضاسیله نکاح ایدلمز، استفراشی حلال اولمز.

ایشته ارباب تفسیرک بر قسمی اورایه حصر ایدرلر. حدیث دهده وارد اولمش: طائفة نسا هر حالده لازمدر. اولر سبز اولماز. ارککلر قالدینسز یاشاماز. کرچه خیرلیسی آذر، صلاح حال اوزره قناعت ایده جک، زوجنی بر طاقم لزومسز سفاهته، اسرافاته سوق ایتیه جک، قناعتکار اوله جق، صلاح ایله. عفت ایله زوجک حقوقنی محافظه ایده جک... بویله قالدینلر آذر. آنک ایچون «ان النساء لاخیر فیهن، لا بد منهن» حدیث شریفی وارد اولمش درکه قالدینلر عل الاکثر دنیایه میالدر، زینت دنیایه مفتوندر. دائماً تفاخری سویورلر، کندیلرینه اهمیت فوق العاده ویریورلر. آنلرله معاشرت پک کوچدر. دیرلکسزک ایدرلر، زوجلرینی کنهه صوقارلر. وعلی - الاکثر کریم اولانلره غالب کلیرلر، لئیم اولانلره مغلوب اولورلر. لئیم یعنی تربیه سز، ادانی دن اولان کیمسه لر اونلره غلبه ایدرلر، اولنری ازرلر. اما کریم اولانلر، کوزل خویلی اولانلر قالدینلره مغلوب اولورلر.

لکن نه بیورمش رسول اکرم (صلع) حضرتلری؟ «بر انسان لئیم اولوبده قالدینلره غلبه چالمقدن ایسه کریم اولسونده وارسون مغلوب اولسون، بونکله افتخار ایتسون».

اما درجه سی وار (وعاشر وهن بالمعروف) قالدینلرک سوزینی طومتق، مشروع تکلیفلرینه قاتلامق، حسن معاشرتی محافظه ایچون کندیلرینه مدارا ایتک... بویوکارک شانیدر.

حضرت عمر انندمزدن قالمشدر: بریسی شکایته کلشدی، قالدیندن پک زیاده یانمش، پک زیاده اذا کورمش. شکایت ایچون حضرت عمره کیتمشدی. حضرت عمر (رض) کندیسینی براز بکلتمدی، صوکره خانه سندن چیقدی، یانه کلدی: - سزنی بکلتم، دیدی، فقط معذورم. والده کز بکا کوچندی. اونک کوکلنی النجهیه قدر...

— اکلادم، دیدی، عمر بیله نم چکدیکمی چکمش.

کریم اولانلر تحمل ایدرلر. فقط لئیم اولانلر ازمکه قالدیشیرلر. مغلوب ایدرلر اما الله راضی دکل. هر شیتک اصولی دائره سنده حرکت لازم. تحمل ایدنلر، عفو ایدنلر، حسن اخلاقی محافظه ایدنلر راحت ایدرلر.

ایشته بعض مفسرین آیات سابقهیه تطبیقاً تکلیفی امر نسیایه حمل ایتشلردر. الله بیلیرکه انسان ضعیفدر، نفسه غالب کله مز. آنک

اول حال ایله روزکار کجدی

بر ایکی خزان بهار کجدی

حالا او تماشای مشتاقانه کوزمک اوکندن کیتمز: بیک ایکی یوز سکسان ایکی سنه سی قولر اسندن صکره بر کون فاتح جامع شریفک قره دکز قیوسی جهتنده اوتوریور ایدم. مابعدی وار

برکت زاده: اسماعیل مرقی

مواظب

مقرری

مقرری

ح. اشرف ادیب

مناسقل اسماعیل حق

۵۰ درس - ۱۳ شباط ۲۲۴

اعوذ بالله من الشیطان الرجیم. بسم الله الرحمن الرحیم

(یریدالله ان یخفف عنکم وخلق الانسان ضعیفا. یا ایها الذین امنوا لا تأکلوا اموالکم بینکم بالباطل الا ان تكون تجارة حاضرة تديرونها بینکم ولا تقبلوا انفسکم ان الله کان بکم رحیماً) صدق الله العظیم. (یریدالله) الله تعالی حضرتلری مراد ایدیور. نه بی؟ (ان یخفف عنکم) اوزریکردن بالازاله تخفیف ایتیه، آغیر یوکلری، تحملسز تکلیفلری ازاله بی، یعنی لطف و کرمدن ناشی سزنی خفیفتمک ایسته یور. (وخلق الانسان ضعیف ضعیفا) مقام تعلیلدهدر. معنای شریفی: زیرا انسان ضعیف اولهرق خلق ایدلمشدر. بنیه سنده کی ضعف مراد دکل، اوده وار. لکن بوراده حائر اولدینی معنوی بر ضعف مراد الهی در. انکچون نه دیور ارباب تفسیر؟ «عاجزاعن مخالفة الهوی و تحمل مشاق الطاعات» انسان ابتدای خلقندنبی عاجز اولهرق خلق ایدلمش. مخالفت هوایه قدرتی یوق، نفسه غلبه ایتمکه طاقتی آز، مشاق طاعاته تحمل ایتمکه قدرتی مفقود. آنک ایچون جناب باری تخفیف ایتیه مراد ایدیور.

بعض مفسرین سیاق آیاته ربط ایدمک بوراده کی تکلیف، امر نسیایه دائر اولان تکلیفدر دیرلر. بوندن اول سورة نسا ده باش طرفدنبی نکاح ایله النسی حلال اولانلر، حرام اولانلر آیریلدی. ازدواجی مشروع اولیانلر هانکی قالدینلردر. «حرمت علیکم...» آیت کریمه سیله تعداد اولوندی. صکره ده: بونلرک ماعداسی حلالدر، صورت مشروعده عقد ازدواج ایدرک حرامدن کندیکزی وقایه ایتمکه سعی ایدک بیورلدی. آنک ایچون سزه الله تعالی مال ویرمش، اقتدار ویرمش، «واحل لکم ماوراء ذلکم ان تبغوا باموالکم محضین غیر مسافحین» نظم شریفی ایله هر مؤمن کنسینی حرامدن وقایه ایچون، عفت اوزره، پرهیزکار اولهرق یشامق ایچون نکاحی مشروع قلمشدر. حتی حره المغه قدرتی اولیانلر حقه جاریه آلق، غیرینسک جاریه سنی نکاح ایتک جائزدر. (ومن لم یستطع منکم طویلاً ان ینکح المحصنات المؤمنات فن ماملکت

ایچون نکاحی و طلاق و سائر احکام نسائی مشروع قیودی و توسیع
ایتدی. حرام اولانلر بک آزدلر. اما کری قالانلر، نحو جه قیزلری
بیله حلال اولمش. بونلر هپ توسعه در. الله تعالی تخفیف ایتدی،
کوجلک اولماسون، کلفت اولسون. بینلرنده سهولتله معاشرت قابل
اولسون دیه مملوکه بولونان جاریه لری ده استفراش و نکاح ایله آلمی
تجویز ایدیور و شریعت جلیله برطاقم قواعد معتدله وضع بیوریور.
اکثر ارباب تفسیر بو آیات جلیله نك حکمنی تعمیم ایدیورلر.
چونکه هرجهتله بویله در. نقدر ممکنسه مساعده لر، حکمته، مصلحته
موافق دوشرسه رخصتله ویرلمشدر. ایشته بونلری امتنان مقامنده
قوللرینه خبر ویریور. دین اسلامه کوجلک یوق. (اعصار سالفه ده
کچن امتلره بک چوق آغیر تکلیفلر واردی. الله تعالی انلری امت
محمدن رفع ایتشدر. الی وقت نماز قیلان امتلر واردی. بزم ایچون
بش و قته ایندیردی.

حال و شان بویله ایکن هرکیم او یله بر نریضه جلیله بی ایفایه
مسارعت ایتمسه دین اسلامه اتسابی بک صوری قالیر؛ معبودینه
قارشیده بک حجیل اولور. هر وجهه چیغردن چیقمش اولور،
بو قدر تسهیلات وار ایکن.

کذلک حدیث آخرده: ﴿جئکم بالحنیفه السمحة السهلة الیضاء﴾
بیورلمشدر. فی الحقیقه شریعت محمدیه او قدر سماحتلی، سهولتلی در،
وضوح و لطافتی او مرتبه پارلاق، پاک، مطهر، هرکسه اجراسی
میسردر که ترک امتثال ایچون بر معذرت بولنه ماز، کرک عبادت جهتی
کرک معاملات قسمی، بوتون احکام جلیله سی میدانده. دائما سهولت
طرفنی امر ایدر، قوللری سلامت یوللرینه سوق ایلر.

علمانک وظیفه سی ده بودر. حدیث آخرده وارد اولمش: ﴿یسروا
ولا تعسروا و بشروا و لاتعسروا﴾ علمایه در بو خطاب. دائماً تمه قولایلق
طرفنی آرایک، عسرت طرفنی اورتیه آیمیک، شریعت نه قدر مساعدا یسه
او وسعتی او قدر محافظه ایدک ﴿بشروا و لاتعسروا﴾ دائماً عبادالهی
تبشیرایدک، یوقسه تنفیر ایتمیک. بعض کیمسه لر دوستلق ایده حکم دیه
احکام دینی بی بوتدکجه بیودور که قابل اجرا دکل. صغائرله، کبائر
برطوتدق، حتی هر هانکیسنی ایشلرسه کافر اولوردیه رک توبه قیوسنی
قایار. حالبوکه هیچ برکنه یوقدر که قابل توبه اولسون. حسب البشریه
برکنه ایشلرده ارتق عفو اولونماز دیه مایوس ایدرسه ک نعوذبالله
ایمانی ده کیدر. ﴿ان الله یغفر الذنوب جمیعا﴾ الله عظیم الشان بوتون
کناهلری مغفرت ایدر. قول قصورنی بیلملی، مساعدا شرعیه دن
مستفید اوللی. ﴿و خلق الانسان ضعیفا﴾ انسان چونکه ضعیفدر،
او یله چوق چوق عبادتله، تکلیفله کله مز. نه زمان انسان تام
آسوده اوله رق یشایور؟ هانکی چاغده بحق عبادته حصر ایتمش
اوقاتی؟ ... ابن الکمال پاشانک (آه، آه نامه سی) واردر. آه
آدم اوغلی، تأسف ایدرم. بو عمر دن شکایت ایدر. ربمذک عفوینه،
کرم و لطفنه صیغمش، اعتقادینی محافظه ایدر، وظائفنی ایفایه چالیشر،

آره صره قصور ایدرسه توبه کار اولور. هرکسی کندندن ای بیلیر...
چونکه کندنی هرکس دن ای بیلیرسه، هرکسه هلاک اولمش نظریله
باقارسه کندنیسی هلاک اولور. ﴿من قال هلاک الناس فهو اهلکم﴾
عوام ناسک احوالی مهما امکان شریعته تطبیقه چالیشملی. عوم
بلوی جهتی نظردن دوشورمه ملی. بودور لرا صحاب دوری کبی اوله ماز.
یدیکمز، ایچدی کمز شیلر شبهه ملی. بوزمانده رزق طیب بک کوچ الله
ایدیلیر. آنکچون عبادتده، علم و معرفتده او درجه ده اولور.

نه دیور ابن کمال؟ در کودکی بازی، در جوانی مستی

در پیری سستی خدارا کی پرستی

بر انسان: «ایشته بن صالحم، متقیم، وظائف عبودیتی تمامیه ایفا
ایتشم، هیچ بروقتنی بیوده کچیرمدم» دیرسه، خطا ایدر. هرکس
قصوردن خالی اوله ماز. دوشون برکره:

(در کودکی بازی) چو جفلق زمانی او یونله کچیردک. نه عبادت

ایتدک اون بش یاشنه قدر؟ صکره (در جوانی مستی) کنجک،
جوانلق زمانی ده سرخوشلق ایله کچیردک. یعنی نشئه شباب ایله،
هوا وهوسله کنجک دوری مرور ایلدی. انسان نه قدر احتراز
ایدرسه، نه درجه پرهیزکار اولسه کنجک زماننده تمامیه عبادت
ایده مز، کنه دن خالی قاله ماز. اوزمانلر هپ هوا وهوسله کچور.
انسان نشئه دنیا ایله مست لایعقل اولور، غرور جوانی ایله
سرمست هوا اولور... صکره عبادت ایده رم، دیر. آلدانیوریا!
اصل عبادت کنجکده اوله جق. لکن قاچیوز کنجده بردانه
کوسترسک که عرش کولکسنده کولکله نه جک؟ او یله برکنج که
اللهک عبادتنده نشئت ایتمش، کنجکده برکنه ایشله ممش، بحق
وظائفنی محافظه ایتمش... بویله کنجک بک آز بولنور. اکثریسی
مست لایعقل، هوا وهوس مغلوبی، سرخوش، بی هوش.

صکره (در پیری سستی خدارا کی پرستی) اختیارلق زماننده
ضعفیت کایر. تاب و توانک کسلیور، شمیدی ده طاقتدن قالیور.
اختیارلقده عبادت ایتک ایسته سه کده اسکی قوتک یوق... (دوشون،
انصاف ایت، دیدی، ربکه نه وقت عبادت ایده جکسک؟ قصورنی
بیل، لندن کلدیکی قدر چالش، اللهک عنایتنه اعتماد ایت، باشقه
برشیته کونمه!...

صوکره نه بیورور: ﴿یا ایها الذین آمنوا لاتأکلوا اموالکم بینکم
بالباطل﴾ ایشته بورایه کلنجهیه قدر احکام نساء بیان اولوندی.
قادینلره متعلق حلال و حرام، بوکامتعلق نصایح و مواعظ، ارشادات
حکیمانه سرد اولوندی. بوندن صوکره نفسه عائد، ماله عائد برطاقم
وظائف وار. نفسمذکده حقنی ویرملی یز. نفسکده حق وار انسانده،
کذلک مالکده حق وار. مالی محافظه ایچون، نفسی محافظه ایچون
تهلمکلی شیلردن صاقتمق... بوده بر فرمان الهی در. آنکچون
﴿یا ایها الذین آمنوا...﴾ دیور. بو فرمان الهی غایت مهم اولدینی
ایچون اوله خطاب ایدیور، جمله مزه ندا ایدیور: ای ایمان شریفله

ایلمه ملی، کیمسه به بورجک وارسه، مثلاً دها بیوک تجار لره بورجک وار، اونلری تأخیر ایتمه ملی.. ایشته طوغرولوق، استقامت. عکسنه یاپارسه، الیرکن ذم ایدر، ویررکن مدح ایدرسه، مبالغه ملی، اوچوره اوچوره مدح ایدیورسه او تاجار تده بر خیر یوقدر.

کذلک بر حدیثه وارد اولمش: (تسعة اعشار الرزق فی التجارة وواحد فی المواشی) رزقک، اسباب رزقک طقوز قسمی تجارتده در. بردانه سی ده مواشی ده، حیوان بسلمک، آت بسلمک قیون دوه صغیر هر نه ایسه... معنای اعمیجه « تجارت » ضمننده زراعتده داخلدر. اونکله دیگر احتیاجی تأمین ایدرجهک. زراع تاجرک اک ایلری کلن قسمی در. اک زیاده مشقته قاتلانیر، اک واسع معنایجه دولتجه، ککرتک ملتجه، نه قدر تسهیلات ممکنسه بذل ایدملی. ویرکیلرینه، امور ومعاملاتنه دائر خیل تسهیلات یاملی. زیرا ملتک دولتک بقایبی زراع صنفیهدر. مملکتک احتیاجاتی دفع ایدیورلر. رسول اکرم افندمز بیورمشلر: ابرار ایله، متقی لر ایله برابر کیم حشر اوله جق؟ اول تاجر لره که صدق واستقامتدن آیرمازلر. (التاجر الصدوق یحشر مع الابرار) اما احتکارله دکل. (الجالب مرزوق والمحتکر ملعون) صدق رسول الله. باخصوص بویله استانبول کبی یرلره نروده دها اوچوز، دها پاک ما کولات وارسه اونلری جلب ایتمک، بوراده صاتمق بیوک خدمت وباعث منو بتدر. لکن احتکار ایدرسه، صاقلار، بهالی اولسنی بکلسه خیانتدر.

صکره (ولاتقتلوا) نفسکزی قتل ایتمک دیور، الله انسان نفسی قتل ایدرمی؟ مفسرین کرام بورایه ذرت درلو معنی ویریورلر:

۱ — بربریکزی قتل ایتمک. (المؤمنون کنفس واحده) بتون اهل ایمان شرقده، غربده دنیاک هر نرودنده بولنورسه بولنسون هپسی برنفس صایلیر: جمله سی یکوچود برشخص آدمیدر. ایشته بتون امتلر بروجود صاییلور. اونکچون انسان بر دین قرده شنی اولدورسه کندیبی ده داخل بولوندینی بروجودی رخنه دار ایتمش اولور. هپمز بروجودز. برنقصان اولورسه الم حس ایدررز. چونکه اووجوده نقیصه کلیر. تمام صایلاماز. بتون اخوان دینک اوزجانک کبی سوکیلی اولمی. هیچ برینه ضرر کله سین، نه کندی طرفندن، نه ظالم لر طرفندن. نه مباشر اولمی، نه ده مسبب. سیرجی طور مق، اوده راضی اولمق دیمکدر. دین قرده شنه نصرت الذدن کلیرکن سکوت ایدرسه ک یاغتش کبی اولورسک. «نمه لازم؟» دیرسه اوده فاعل صاییلور. تسبب ایله مباشرت قتلک انواغندندر. امدرجه سی وار. سکوت ایدر. دفعه قدرتی وار ایکن سکوت ایدرسه عندالله نمدالناس مذمومدر.

۲ — نفسکزی تهلکه به آتیمک. قتل معنوی، یعنی نفسکزیک هلاکنه سبب اوله جق شیلری بایمیک، حرام شیلری اینسلمیک. الله تعالی غیر مشروع طریقلری قالدیردی. کناهدن قورتلحق یولنی کوستردی. امر نسیاه وسائر خصوصاته دائر احتیاجی دفع ایدن مشروع طریقلری اورته یه قویدی. بونلری نظر اعتباره آلیوب

مشرف قوللرم! بربریکزک مالنی یمه ییک، هرکس مالنی محافظه ایتمسون. بشقه سنک مالنه کوز آتمسون. (اموالکزی) یکدیگرک مالکزی یمه ییک دیمکدر. هرکس کندی مالنی ییسون. کیمسه نک مالنه ال اوزاتمسون. وجه اختصاص مشروعدر. اختصاصات شرعیه ایله تملکات قرار قیلمش. اموال امر مشترک دکلدر. هر مالک صاحبی وار. بربریکزک مالنی یمه ییک. نه ایله؟ وجه باطل ایله. شرع شریفک منع قیلدینی طریق غیر مشروع ایله کیمسه نک کیمسه نک مالنی ییسون.

معلویا، بونک هر شیئه شمولى وار. برکیمسه نک مالنی یمک، غصب ایتمک، سرقت ایتمک، قمارله الذدن آلمق، ربالر، رشوتلر، درلودرلو غیر مشروع صورتلرله شخص آخرک مالنی اله کچیرمک، انتفاع ایتمک حرامدر. کیمسه کیمسه نک مالنی یمه جک، (بالباطل) وجه باطل ایله. غیر مشروع بر صورتله کیمسه نک مالنه تعرض ایتمه جکسک. دیمک غیر مشروع صورته انتفاع یوق. فقط صورت اخری ایله، مشروع بر طریقله بربریکزک مالندن استفاده ایدر بیلیرسکز. بوکا احتیاج عمومی وار. افراد بشریه آرسندد اموال انتقال ایدر جک، برطاقم معاملات دونه جک... بومشروعدر. آنکچون استثنای بیوریور:

(الان تكون تجارة حاضرة تديرونها بينكم الخ...)

بواستثنا منقطعدر (لکن) معنایسه دیمک. (لکن کون تجارة حاضرة لیس بمنهى عنه) سبکنده اولور. یاخود (لکن اقصدا کون تجارة الخ) تقدیرنده اولور. کلامده مخذوف وار. یعنی کیمسه نک مالنه قصد ایتمک، حقسن یره ال اوزاتیمک، برحتی ابطال ایچون چالشه ییک. لیدی الايجاب حکومته مراجعت ایدک، فقط تزویراته صایمیک. نصل که آیت اخراده بیورور: (وتدلوا بها الى الحکام) برطاقم دعوالر چیقاروب یالان شاهدله، حیلله ایله، تزویر ایله کیمسه نک حقوقنی ابطال ایتمک.

لکن نه یاپک، زنکین اولمق ایسترسه کز؟ مشروع صورته چالشک. شریعت تجارت قبولرینی قیامیور، ایکی طرفنک رضاسیله اولورسه او، منهى عنه دکلدر. یاخود بشقه درلو کیمسه نک مالنی غصب ایتمک. تجارتیه میل ورغبت ایدک. تجارتله استفاده ایدک. خیر وبرکت کورک.

(ان اطيب الكسب كسب التجار الذين اذا حدثوا لم يكذبوا).

حدیث شریف وار. هپ تفسیرلرده مذکوردر. اک طیب قازانج، کارک اک پاکى، اک حلال اولان قسمی تاجرک کسی در. اک خیرلی قازانج ارباب صنعتک قازانج لیردر. لکن هانکی تاجر؟ الیش ویریش ایدنلر البت قازانیرلر. هپسی پاک اولماز. شرطلری وار. برشی سویلینجه یالان سویلمز (واذا وعدوا لم يخلفوا) وعد ایدرلرسه خلف ایتمزلر (واذا ائتمنوا لم يخونوا الخ..). برشی امانت اولورسه خیانتک ایتمزلر. طوغریسنی سویلر. چونکه هرکس مالک فیاتی بیلمز. ما کولاته، ملبوساته دائر فیاتلرینی بیلیمک احتیاجی وار. امنیت ایدر، طوغری دکانه کلیر. اونى آلتاملی. خیرلی بر قازانجسه ویرمی. صکره مالی صباتارکن مدح ایتمه ملی، الیرکن ذم

اما آجیق یرده طاغده، بایرده اولورسه انسان دونی ویریر، انجماد ایدر. اونکچون مساعده ایدلمش. ایشته بو حکم بو آیتدن آنمشدرکه ایلروده دها تفسیر ایدنه جکر. بوکون بو قدرله اکتفا ایدلم.

۵۰۰ بحی درسک صوکی

اطه ونمه و سفه سی حقنده. صراهم علماسندن جام لازهر شیخ المشایخی شیخ سالم لایق ایدی حضرتلی طرفندن تحریر ونشر اولونان اصالح طایفه: « بعض اهالی اسلامیه نك اناطولینك بعض جهتلرنده (اطنه، طرسوس، حلب ولایتده) اهالی عیسویه حقنده قتل ونهب کبی تعدیات اجرا ایتدکلرینه دائر محلی غزتهلرنده غایت محزن ومؤسف برچوق حوادث نشر اولیور. بوحوادث الیمیه یی او قورکن صحنه اینامق ایسته میور، وقوع بولامش اولسنی تمنی ایدیورم. چونکه دین مبین اسلام مسلم، عیسوی، موسوی هپ مساوی اولق اوزره هر درلوعداوتی نهی، بغی، سفک دمایی، غیره ایصال مضرتی قطعاً تحریم ایلر. ای اوجهتلرده وسائر جهتلرده مقیم اهالی اسلامیه! جناب حقه شریعت غراسیله نهی بیوردینی حالاتدن حذر ایدیکز. سفک واهراقنی تحریم ایتدیکی قانلری دوکدیر میکرز. مخلوقات الهیه تعدیده بولمیکرز. زیرا جناب حق متجاوزلری سومز.

وطنداشدرکز حقنده هانکی دیندن اولورلرسه اولسونلر حق وعدالتله اجرای معامله ایتدکدینا مجبورسکرز. الله عدالتی، حقایقی سور. ای مسلمانلر، دینکزه حرمت ایتلیسکرز. جناب حقه کتاب مبینده فرمان بیوردینی احکامدن ذره قدر انحراف ایدرسه کز غضب الهیه دوچار اولورسکرز. خرسیتان وطنداشدرک، اوزرکزه حقوقلری وار. او حقوق دیناً مقرردر. آنلرک حیاتلرینی محافظه ایله مکلف اولدیغکز کبی جامع ومسجدلرکزی نصل محافظه ایدیورسه کز آنلرک کلیسالی رینه اوصورتله محافظه ایتک، بونلره وقوعه له حق تجاوزی رد و دفع ایتکده سزک بورجکزدر. امین اولکزکه هر هانکی بر مسلم کندی وطنداشی اولان خرسیتانه تجاوز ایدر ایسه اومسلم جناب حق طرفندن هر مسلمک عهده سنه تودیع وترتیب اولنان عهد وميثاقی نقض ایتمش عد اولنور.

اگر اطنه وسائر جهتلرده وقوعی روایت اولنان قتل عاملر صحیح ایسه بو احوالک مرتکبلری جناب حق، حضرت پیغمبری اغضاب، شریعت مطهره یی پامال ایتمش دیمکدرلر. دین مبین اسلام بوکبی محارمندن نفرت ایدر. مرتکبلرینی اسلامیت شرفندن تجرید ایلر. امید ایدرم که مسلمان قارداشلرم بوسوزلریمی ایشیدرلرده بو دین عالی اهلی لیکدار ایدن، اغیاره بالطبع سرمایه تشنیع اولان اوکبی افعال مؤسفه نك بردها تکررینه میدان ویرمزلر. «

§ عالم جلیل مشارالیهک بالاده کی بیاتنامه سی کزک اطنه وتوابنه، کزک حلب ولایتک وقوعاته دوچار اولان اما کن معلومه سنه تلغرافلر ایله تبلیغ اولمشدر. «صباح»

ابوالعلا

هلال مطبعه سی

حرامه میل ایدرسه ک، سفاهته انهماک ایدرسه ک نفسی محو ایتمش اولورسک. بر برینک مالی یمک ایچون انسانلر کندیلرینی هلاک ایدرلر. ذاتاً مال جانک یونفاسیدر. کوریورسکزییا! (لاباً کلوا اموالکم، لاقتلوا انفسکم) الله ایکسینی بر آیت جمع ایتمش، مالی تقدیم ایتمش، اکثر تجاوزات ماله در، اصل مقصد اودر. ماله طمعندن طولانی بر انسانک جاننه قیلیور. الله فساده ک کوکنی کسور، بر برینک ماله کوز آتارلر. صکره بر برینی قتل ایدرلر. یاخود بریسی برینک ماله تعرض ایلدیکی ائساده، غضب وسرقته تصدی ایتدیکی هنکامده قتل واهلاک اولنور. هلاک مادی، هلاک معنوی. غضب وغارت ایچون نیجه خانمانلر سونمش، مقاتلات عمومیه کترتله واقع اولمشدر. کذلک رشوت آلق، قار اوینامق نهایت هلاک سبب اولور. یا محکوم اولور. توقیف اولنور. ایشندن کوجندن قالیر. قار جیلقله خانمانی سوزر. دشمنلر پیدا ایدر، جاننه قصد ایدرلر. بویله غیر مشروع صورتله حقوق ناسه ال اوزاتقی هلاکنه سبب اولور.

بعضیلری علی الاطلاق تعمیم ایدرلر: هر بر شی که باعث تهلمکدر. بعضاً قتلاده مؤدی اولور. اونی یا عمیک. بومعنا شریف یوقاریکی آیته مناسیدر. روایت ایدرلر: اصحابدن عمرو بن عاص حضرتلری برغزایه کیتدی. زمان سعادتده امیرسریه اوله رق کندیسی کوندرلیدی. غالباً ذات السلاسل نامنده کی غزوه مبارکه یه مأمور اولمشدی. لکن قیشه تصادف ایتمش، کیجهلری غایت صغوق، هواده برودت زیاده اویله بر هنکامده اصحابدن بر چوق کیمسه لر معینده اولدینی حالده رسول اکرم افندمن طرفندن کوندرلیدر. صکره، عمر وابن عاص کندی حکایه ایدر، دیورکه: — نصلسه اوکیجهلرک برنده بکا صواقضا ایتدی، احتلام وقوع بولدی. صباحه یقین اویاندم. باقدم ایش مشکل، صو وار اما غایت صغوق هوا. دوشوندم، اگر صو ایله ییقانیرسه م خسته اوله جغم، تلف اوله جغم، دوشوندم طاشیندم بسم الله دیهرک قوللریمی صیوادم، کوزل بر تیمم ایتدم. صباح نمازینی رفقایه قیلدیردم. [امیرالجیش کیم ایسه نمازده ده اوامام اوله جق. اک بیوک کیم ایسه امام اولق اونک حق. من القدیم بویله در.]

نمازی قیلدیردم. حکایه ایتدم. شاشدیلر، تعجب ایتدیلر. — نه یایدک؟ دیدیلر. هیج اویله اولورمی؟.. عودتمزده حضرت رسوله شکایت ایتدیلر:

— بزه امام اولدی اما قباحت ایتدی...

رسول اکرم افندمن حضورینه چاغیردی:

— باق نه دیورلر یا عمر و؟ دیدی، سن بویله برشی یا پیشک.

— اوت، یا رسول الله، هوا یک صغوق ایدی. دوشوندم

طاشیندم صو ایله ییقانیرسه م خسته اوله جغم، تلف اوله جغم. «ولا

قتلوا انفسکم» آیت جلیله سی ده خاطریمه کالیدی. بنده بویله اجتهاد ایتدم.

رسول اکرم افندمن تبسم بیوردی. «نیچون اویله یایدک؟»

دیمدی. مساعده دربو. صکره فقهاده تجویز ایدرلریا! قیرلرده اولورسه

مساعده ایدرلر. فقط شهر ایچنده اولماز. شهر ایچنده غسل ایچون تیمم اولماز.

صوپی دوکوندن صو کرا الثجا ایدیله جک بریر البت بولونور.